



# საქართველოს იუსტიციის მინისტრი

საქართველო, ქ. თბილისი, 0114, გორგასლის ქ.24 ა. ტელ.: 2 40-51-48, 2 40-58-36; ელ.ფოსტა: info@justice.gov.ge



KA010169528056620

№16046

10 / დეკემბერი / 2020 წ.

## საქართველოს იუსტიციის სამინისტროს ანგარიში ინფორმაციის თავისუფლების შესახებ

2020 წელი

„საქართველოს ზოგადი ადმინისტრაციული კოდექსის“ 49-ე მუხლის შესაბამისად, წარმოგიდგენთ საქართველოს იუსტიციის სამინისტროში საჯარო ინფორმაციის გაცემის მოთხოვნით შემოსული განცხადებებისა და მათზე რეაგირების, ასევე, დაცული პერსონალური მონაცემების შეგროვების, დამუშავების, შენახვისა და სხვისთვის გადაცემის შესახებ 2019 წლის ანგარიშს (მოიცავს 2019 წლის 10 დეკემბრიდან 2020 წლის 10 დეკემბრამდე პერიოდს):

ა) საქართველოს იუსტიციის სამინისტროში 2019 წლის 10 დეკემბრიდან 2020 წლის 10 დეკემბრამდე საჯარო ინფორმაციის გაცემის მოთხოვნით სულ შემოვიდა 135 განცხადება, რომელთაგან ელექტრონული ფორმით შემოსული განცხადებების რაოდენობამ შეადგინა 13 ერთეული. „საქართველოს ზოგადი ადმინისტრაციული კოდექსისა“ და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს № 219 დადგენილების მოთხოვნების შესაბამისად, საჯარო ინფორმაციის შესახებ მოთხოვნების იუსტიციის სამინისტროში ელექტრონული ფორმით წარმოდგენა უზრუნველყოფილია საქართველოს იუსტიციის სამინისტროს მმართველობის სფეროში მოქმედი სსიპ „მონაცემთა გაცვლის სააგენტოს“ მიერ ადმინისტრირებული ვებგვერდის (MY.GOV.GE) მეშვეობით.

რაც შეეხება საჯარო ინფორმაციაში შესწორების შეტანის მოთხოვნათა რაოდენობას, 2020 წლის განმავლობაში მსგავსი მოთხოვნა საქართველოს იუსტიციის სამინისტროში არ შემოსულა;

ბ) საანგარიშო პერიოდში საჯარო ინფორმაციის გაცემის მოთხოვნით საქართველოს იუსტიციის სამინისტროში შემოსული განცხადებებიდან

- 46 შემთხვევაში მათში მითითებული საკითხები მიეკუთვნებოდა სხვა ადმინისტრაციული ორგანოს უფლებამოსილების სფეროს და, შესაბამისად, განცხადებები გადაეგზავნა უფლებამოსილ ადმინისტრაციულ ორგანოს;
- იმ განცხადებებიდან, რომლებიც განეკუთვნებოდა იუსტიციის სამინისტროს კომპეტენციას (89),
  - 41 დაკმაყოფილდა სრულად;
  - 1 დაკმაყოფილდა ნაწილობრივ;
  - 2 არ დაკმაყოფილდა;
  - 45 განცხადებაზე მიმდინარეობს ინფორმაციის მოძიება/დამუშავება.

ამასთან, მნიშვნელოვანია, რომ სამინისტროში შემოსული თითქმის ყველა განცხადება შეიცავდა საჯარო ინფორმაციის ერთზე მეტ, ხშირ შემთხვევაში კი – მრავალ მოთხოვნას.

საანგარიშო პერიოდის განმავლობაში საჯარო ინფორმაციის მოთხოვნით შემოსული განცხადებები განიხილა და შესაბამისი გადანყვეტილებები მოთხოვნის დაკმაყოფილებისა თუ დაკმაყოფილებაზე უარის თქმის შესახებ მიიღო საქართველოს იუსტიციის სამინისტროს ადმინისტრაციის (დეპარტამენტი) უფროსის მოვალეობის შემსრულებელმა სოფიო ტეფნაძემ;

გ) სამინისტროს ცენტრალური აპარატის ცალკეული სტრუქტურული ერთეული მათთვის დებულებით დაკისრებული საჯარო უფლებამოსილების ფარგლებში ახორციელებდა პერსონალური მონაცემების შეგროვებას, დამუშავებასა და შენახვას. სამინისტროში პერსონალური მონაცემები დაცულია როგორც ელექტრონული, ისე მატერიალური სახით. საქართველოს იუსტიციის სამინისტროს დოკუმენტბრუნვის ელექტრონულ სისტემაში (დეს) ინახება ელექტრონული ფორმით არსებული პერსონალური მონაცემები, რომლებსაც განმცხადებლები უთითებენ მათ მიერ წარმოდგენილ განცხადებებში. აღნიშნულ მონაცემებზე წვდომა აქვთ მხოლოდ იმ თანამდებობის პირებს, რომლებსაც, მათი სამსახურებრივი საქმიანობიდან გამომდინარე, მინიჭებული აქვთ ამგვარი მონაცემების დამუშავებისა და შეგროვების უფლებამოსილება. დოკუმენტბრუნვის ელექტრონულ სისტემაში არსებული პერსონალური მონაცემების უსაფრთხოება უზრუნველყოფილია შესაბამისი ინფორმაციულ-ტექნოლოგიური საშუალებებით, რაც, თავის მხრივ, გამორიცხავს არაუფლებამოსილი პირებისათვის პერსონალურ მონაცემებზე წვდომას.

საანგარიშო პერიოდში სამინისტროს სხვადასხვა სტრუქტურული ერთეულის მიერ პერსონალური მონაცემების გაცემა ხორციელდებოდა მხოლოდ „საქართველოს ზოგადი ადმინისტრაციული კოდექსითა“ და „პერსონალურ მონაცემთა დაცვის შესახებ“ საქართველოს კანონით დადგენილ შემთხვევებში და კანონით გათვალისწინებული საფუძვლებით;

დ) საქართველოს იუსტიციის სამინისტროს თანამშრომლების მხრიდან საანგარიშო პერიოდის განმავლობაში შემოსული საჯარო ინფორმაციის მოთხოვნებთან დაკავშირებით არ გამოვლენილა „საქართველოს ზოგადი ადმინისტრაციული კოდექსის“ მე-3 თავის

მოთხოვნათა დარღვევისა და ამ საფუძვლით პასუხისმგებელ პირზე დისციპლინური სახდელების დადების ფაქტები;


ე) საჯარო ინფორმაციის გაცემაზე უარის თქმისას ან/და საჯარო ინფორმაციის გაცემის მოთხოვნის ნაწილობრივ დაკმაყოფილების შესახებ გადაწყვეტილების მიღებისას სამინისტრო ეყრდნობოდა „საქართველოს კონსტიტუციას“, „ადამიანის უფლებათა და ძირითად თავისუფლებათა დაცვის კონვენციას“, „საქართველოს ზოგად ადმინისტრაციულ კოდექსს“, ასევე, „პერსონალურ მონაცემთა დაცვის შესახებ“ საქართველოს კანონის და „საქართველოს იუსტიციის სამინისტროს დებულების დამტკიცების შესახებ“ საქართველოს მთავრობის 2013 წლის 30 დეკემბრის № 389 დადგენილების მოთხოვნებს;

ვ) საქართველოს იუსტიციის სამინისტროში საანგარიშო პერიოდის განმავლობაში დაფიქსირდა საჯარო ინფორმაციის გაცემასთან დაკავშირებით სასამართლო წესით გასაჩივრების სამი შემთხვევა, რომელთაგან ორ საქმესთან მიმართებით მიმდინარეობს სამართალწარმოება თბილისის საქალაქო სასამართლოს ადმინისტრაციულ საქმეთა კოლეგიაში; ერთ საქმესთან მიმართებით თბილისის საქალაქო სასამართლოში მიმდინარე საქმის განხილვა დასრულდა – კერძოდ, შეწყდა სამართალწარმოება სადავო საჯარო ინფორმაციის მოსარჩელისათვის გაცემის გამო. სასამართლოს გადაწყვეტილება შესულია კანონიერ ძალაში.

რაც შეეხება ადმინისტრაციული წესით გასაჩივრების ფაქტებისა და შედეგების შესახებ ინფორმაციას, საანგარიშო პერიოდში საქართველოს იუსტიციის სამინისტრომ საჯარო ინფორმაციის მოთხოვნასთან დაკავშირებით განიხილა ორი ადმინისტრაციული საჩივარი, რომელთაგან ერთზე მიმდინარეობს ადმინისტრაციული წარმოება, ხოლო მეორე საჩივრით მოთხოვნილი ინფორმაცია მიენოდა განმცხადებელს, რის შემდეგაც შეწყდა დაწყებული წარმოება;

ზ) საანგარიშო პერიოდის განმავლობაში შემოსული საჯარო ინფორმაციის მოთხოვნებთან მიმართებით სამინისტროს მიერ ინფორმაციის გაცემის, აგრეთვე, საჯარო ინფორმაციის გაცემაზე უარის თქმის შესახებ მიღებული გადაწყვეტილების გასაჩივრებასთან დაკავშირებით არ წარმოშობილა ხარჯები და ადგილი არ ჰქონია სამინისტროსათვის მხარის სასარგებლოდ გადასახდელი თანხის დაკისრებას.

მინისტრის მოვალეობის  
შემსრულებელი



გონა ლორთქიფანიძე